


मन्त्र



MANI



# तयूज (खु गू च)

१०९७

नेपाल सम्बत

१०६६

सिल्ला

फागुण ७

सम्पादक

नारद बज्राचार्य



व्यवस्थापक

जि. बि. जोशी

कन्हैयाकुमार साय्मि



पिकाकः

मी मी थ्वः



स्वापू - कालिमाति

५/६० येँ



दुजः

रामशरण साय्मि

मंगल साय्मि

राजेन्द्रलाल महाजु

बुद्ध ज्यापु

थुगु ल्याख्य

बाखं

निरञ्जनरत्न साक्य

केशरमान ताम्राकार

भाषा अन्वेशन

इन्द्र माली

ख्यालः

श्रीकृष्ण 'अणु'

कविता

नारद बज्राचार्य

लक्ष्मीप्रसाद साय्मि

अशोकमान तुलाधर

एन. बि.

योगेशबहादुर श्रेष्ठ

राजकुमार कुंभज

गंगालाल श्रेष्ठ

जिमिगु खँ

स्थायी स्तंभ

खने मरुमरु तयूजु

सीकेमाःगु खँ / धिसिक्क धेँ

५ - १५०



श्री ५ त्रिभुवन जयन्ति

व

राष्ट्रिय प्रजातन्त्र दिवस

फागुण ७ या

म हा न ल स ता य्

सकल नेपामि पित्त दुनुगलं तिसे

भितुना

रत्नफीड इण्डस्ट्रिज

बालाजु औद्योगिक क्षेत्र

काठमाडौं

## जिं छन्त मतिना याना

जरूल

जिं छन्त मतिनायाना  
यक्को यक्को मतिना

ध्व नुगलय्

छ प्रति जिगु माया दासि वइ च्वंगु दु ।  
भ भः न्हुया वइ च्वंगु दु ।

खः,

जिं छन्त

यक्को यक्को मतिनायाना

तर

मतिना केवल- चुरोथया मखु  
त्वने धुनेवं बान्छोय्गु

मतिना केवल-चुरोथया मखु  
न्हुतुया सवाःलिसे हिलेगु ।



जिगु मतिना  
जि छन्त यानागु मतिना  
नुगः निसै दाइवःगु  
छगू विश्वासं जाःगु  
छगू सत्यं भयूगु  
मतिना खः ।

खः

जि स्यू  
छन्त मतिना याइपिं  
मेपिं नं यक्व दु  
ध्व सीक सीक नं  
छं न्यनी - छन्त छाया जि मतिना याना च्वना ?

खः

जि स्यू  
छन्त थः याना कायगु  
जिगु म्हगस पूर्वकेत  
यक्को कँ न्हुइमालीतिनि  
दन्त्यकथाया थें  
यक्व सर्तत पालन याय् मालीतिनि  
ध्व समाजया व्यनस्थाय्  
सः तय् मालीतिनि



जुइ फु जि थः हे समाजजिसे  
अलगग जुइ मालितिनि  
थथे सीक सीक नं  
छं न्यनी- छन्त छाया जि मतिनायाना चवना ?

जि धाय्-  
खय्फु जि छन्त  
मचाबल्यु निसेहे  
खं म्हस्यु जुइ  
अय्न्  
छ प्रति जिगु भुकाव मरु  
लगाव मरु

तर, जब जितः ल्याय्म्हया वैसं थियाहल  
जिगु दिनु दिनुलिइ  
न्हयाना च्वंगु हिया वेग तच्चो जुल  
जिगु अध्ययनसिल मिखां  
छगू भुठ  
छगू असत्यया  
प्यखेरं जाः जक खन  
त तः जाःगु पःखाः जक खन  
सफू व सत्य  
सर्गः व धर्तिया तापा खन



सुपाचं त्वपुया तःगु आकास जक खन

निभाः मरुगु भव थासं

जितः बिश्वास याके मफुत

थन सूर्यो लुइ धुंकूगु दु

थन सूर्योवं जः व्हलाच्चंगु दु ।

जिं आकासय् थस्वया

अन सुपाचं भुनातःगु दु

अन सुपाँय्या आधिपत्य दु ।

जिं छ्वाःलि चाःहिला

अन निभाः त्वय् धुंकूगु चिं मदु

अन निभाःया छकू जः मदु

अन छुकेयां किचः मदु ।

अलय्

जिगु चेतनां जितः धित्तु धिन

जिगु बिबेकं जितः सात्तु साल

जिगु न्हाय्पनय् छंगु सः थवलं-

“चिकुयाः छगू कुनय् ग्वारामारा चिना च्वंपिन्त

थनेया निम्ति- सूर्यो लुइकेमाः

थन निभाः त्वय्केमाः

इमित क्वाः जः बियाः

इमि चिकु लंके माः



अलयतिनि इपि जुरुजारु' दनी  
पंक्ति बद्ध जुयाः बुई वनी  
उकें, दकले न्हापां  
व सुपाँय्यात खुइ माःगु दु  
फसं हुत्ते याना छोय्माःगु दु ।”

ध्व हे कारणं

जिं छन्त मतिना याना

छाय्कि,

छंगु लालपात्यार्थें च्वंगु म्हुतुसि

जितः सत्य खँ न्यंकः वःगु दु ।

छंगु हिकु सिन्हःथें च्वंगु न्यतालं

जितः सदां प्रेरणा बिया च्वंगु दु ।

जिगु जीवनय् न्हूगु लं कथों वःगु दु ।

घात्थें,

जिं छन्त धया च्वना

प्यका लँय् इतः मितः कना च्वंम्ह जितः

थुखेपाखे ब्छया हःम्हहे छ खः ।

ख्यूँगु लँय्

तर्च च्याका ब्यू वःम्ह हे छ खः ।

सूद्यो लुइकेत - सुपाँय् खुइमाःगु

अमोघ मन्त्र स्यं वःम्हहे छ खः ।



यदि, वगु इलय्  
लै लुइके मफयाः इतःमितः कना च्वंगु ब्यलय्  
छ धवदुक्क नाप मलाःगुसा  
जि नं अपि थें जुल जुइ  
गुम्ह थौं तल्ले नं दने मफु ।

सत्य सत्य

जि थौं बन्त- थुलि मतिनां याय् धुन  
थुलि येके धुन

छ बिना घौ छिहे स्वाय् मफइगु जुइ धुन ।

उकें, महेकुसें धाय् छन्त

थौं कन्हे

न्हिनय् नं- छंगुहे म्हागस खंकाच्चवने धुन



---

साहित्यिक व मनोरञ्जन सामयिय संकलन

**बिनायक**

स्वयत् लोमंका दी मते ।

ग्राहक जुइत जिमिके स्वापू तयादिसँ-

पौ छोय्गु थाय्- २२५ नंपत्तः त्वाः, यल ।

---



## चिप

क्वथा यच्चुपिचु धाः । न्हू न्हूगु सामान छाप्पिया तःगु । दराज ।  
दराजया चवसं तिपाः किपा । छह्म मिसा ..... छम्ह मिजं । निम्ह  
तिपूया छपाः किपा । क्वथाय् सकतां न्हू । मेखे कुनय् लाक्क लडाईया  
छपाः किपा । छपुचलं मेगु पुचः धाय् (छगू देशं मेगु देसयात कब्जा  
यायां वइच्चंगु किपा ।)

क्वथा न्हू । क्वथाय् चवनाच्चम्ह भम्चा, रोसनि, न्हूम्ह ।  
क्वथाय् चवनाः रोसनि चाकःलि पांपां म्हिताच्चन । गुबले गन, गुबले गन  
मिखा ब्वाकाच्चन । इरुथिरु जुल । पुतुं चवन । दराज छकः ध्वाराक्क  
चाय्कल । थःगु क्वसः छकः लुदंक स्वत । वक्व क्वसः बिइमदु धाःगु  
नियम ल्वापानयाः चात्तुवाना चवन । क्वसः स्वइच्चम्ह रोसनि उगुं थुगुं  
पुइकु पुइकुं दंग जुयाच्चन । रोसनिया मिखा मचाय्कहे छगू आलब-  
मय् जू वन । नाइसे चवंगु रोसनिया लहा हाकुसे चवंगु आलबमया  
म्हय् तुयूगु छाप चववल । तीजक पुइकल । पुइकेवं रोसनिया ख्वाः  
च्यानावल । पुलांगु खं रोसनिया नुगलय् कोय्पिया बिल ।

“वइगु क्वसः । थव आलबमं ... उफ ... । थव स्वता स्वता



मछि क्वसः छाप् ब्यूगु जुइ । छता बिइवंला गाहेगाःनि । तर ... वं ।  
 ब्यूगु क्वसः छगू आलबम । माहाद्यः पार्वति घय्पुया च्वंगु छपाः वहःया  
 फ्रेम । मेगु हिंसि भय्ब्यूम्ह कतांमरि । कतांमरि खनेवं रोसनिया नुगलय्  
 हानं छकः फोय्पिया बिल । सिमां कुतुवंःम्ह माकः थें छकः भुग्लुं च्वन ।  
 फुकक क्वसः स्वयाः व क्वसः स्वस्वं रोसनिया नुगः थुमिकल । छकः  
 फुकय् जुल । पक्क च्वन ।

खापा ध्वाराक्क चाय्काः सुं द्वाहांवःगु वाः चाय्वं रोसनि दराजया  
 खापा तित । वाथाक्क । न्हिला सू अथें भय्बिनावल । लुखा पाखे पलाः  
 न्ह्याकल । पक्क जुल । स्व स्वं अजूचाल । न्हिलां भय्ब्यूगु ख्वालय् छकलं  
 सुपाचं भुंवल । लुखापिने थिङ्ग दनाच्चवंम्ह रोसनिया किजाबत रोसनिया  
 ख्वाः स्व स्वं अजूचाल । वइगु मिखां तिकिनने त्यंगु ख्वाबि किजाबतम्हं-  
 सिगु म्हुतु चायका बिल ।

“दाइ वय्गु भचा लिबाइ तिनि हं । उकिं पीतया जा नइच्चंसां  
 ज्यू हं” किजाबतया खँ न्यनाः रोसनि दिक्क चाल । छकः त्वलय् जुल ।  
 मन मनं खँ वाय्कल ।

“इहिपाः याना लुं भचा सुख दुःखया खँ ल्हाय् दुगु मखु । बहनी  
 जुल । नय्साथं न्ह्यः वः । चच्छिं छन्ह्यः जुइक छन । सुथजुल वं थवं मद-  
 य्क नापलाः वइच्चनी । गुम्हं जागीर नय्गु बिषय ज्वना वःसा, गुम्हं  
 प्रमोशन यानाब्यू धकाः कच कच याः वइपि । छू छु । सुथ ज्वः-  
 छिता वनाप-थ्वनाप खँ फफं फछ्या । ज्याः यानां १५ मिनेत बांलाक खँ  
 ल्हाय् नंगुमखु । हानं उखें थुखें कालबिल याना जुइगु । ब्याहा याय्



मखनां उईचाइ चवनीपि मिस्तनं मिस्तहे का । तर ... तर छुयाय् ?  
मिजंत नाप ह्वनेमाःगु मिस्तय् कर्म ... । हानं व स्व । १५ दं १६दे  
दुपि मिस्त पय्नं वनीगु । छु स्वयाः वनीगु । छुकिया आस । धिवकार  
का थन्यापि ।” रोसनिया वयाय् थव याय् मन्त । पुतुं चवन । बिचालय्  
ताल कइचवन ।

“लासा वहे मस्यानाप हिसाब याना चवंगुला ? मस्या मिसित  
नाप बच्छियानां ज्या याय्मते धाःसां ज्यूगु मखु । थःगुहे जिदि । थम्हं  
धइथेहे माःपि । उखुन्हु तिनि वं कलकत्ताय् च्वंम्ह रबि धाम्हस्यां न्वखंक  
धाय् धुंकल । वास्ताहे मदु । कलकत्ताय् हे प्यम्ह प्यम्ह मछि मनूतय्त  
स्याना वय् धुंकूम्हं हँ । वनाचवंगु रेलय् द्वाहांवनां करकिगु तिसा, बन्दुक  
वयनां लुतय्याय् त्यंवले दागादुगु जूगु हँ । हानं उबलय्हे प्यम्हं मनूतय्गु  
लुतय्यानां इमितहे स्यानाः नेपाः द्वाहांवःम्ह । अन्यापि ज्यानमारात नाप  
वच्छियानां छु व्यापार यानाचवंगु ? छू ... छुका । छु भाः अन्यापिनि ।  
नेपालय् ... स्व ? फुक्क बिदेशित । अज्जला इन्डियनत । ज्यामि,  
सिकमि, सुजिका, सुनार, इन्जिनियर, बुतपालिसवालात फुक्क फुक्कहे  
इन्डियनत जुइधुंकल । जिगु दे, जिगु थाय् धकाः हालाचवंपि फुक्क भुग्लु  
भुग्लु चवनेमाले धुंकल । देया रक्षकतय् सुयां बास्तामदु । वाः चाःसां  
मस्यू मखंपहः यानाचवन । सहरय् चवंपि फुक्क सहरय् चवनेमफयाः गां  
गामय् वनाः चवने धुंकल । थव इन्डियन स्व, ४ दं चवना नेपाली नाग-  
रिक धकाः सहरय् दुने छेँ स्यानाः चवनीपि जुइधुकल । इमि छु दोस? थन  
चवंपिनि सुयां चास्ता मदुसा खुंत धाक्व दुनेलाय् धुकल । सोझापि धाक्व



बिस्युंजुइ माले धुंकल । सुयां च्यूता दुगुमखु । क ... .. जिन खःका ।  
तलय् मांपिंसं छु धालजुइ ? किजाबत वःगु ख्याः जाल ला । लाःसा  
तले भाषण सुरू जुइधुंकल जुइ । श्व भौमचा जुइगु नं ... .. ।

रोसनिया पलाः स्वानेपाखे ह्लात । माजुम्ह पुतु पुतु हालाच्वंगु  
सः रोसनिया ह्लाप्पनय् न्हय्बि जुयाः दुहांवन । पलाः छकः तक्कदित ।  
इहां वनेला सवनेला जुल । अय्त्त मछ्छाः मछ्छाः तीजक पलाः क्वथापाखे  
न्ह्यात । रोसनि खनेवं किजाबत वाथाक्क दनावल । रोसनि लुकुलुकु  
थाहांवन । भुतूपाखे न्ह्यानाच्वंह्य रोसनिया माजुम्हेसिगु बिचाः खनाः  
कुनुकुनु तं पिहाव्यकल । छं छगू ज्या लिपालाके मज्यू । तुरून्त खं  
ल्हाय् धुंकी ।

जाबो, जा छकः ताना नकेत थःहे छकः वना नकुसांला ज्यू-  
गुनि ..... । मासां म्वासां दुइमदु खं पिकया ज्वीगु । ६० दँ ७० दँ  
दुम्ह बुरिसां छगूका । छू ... .. छू । माजु जुल धायवं बुरिं थोगुला ?  
म्वाय्से धाय्के ब्यु । थुकी जितः छाय् च्यूता ... .. ?”

रोसनि क्वथाय् इरुथिरु जुयाच्वन । छकः छकः लँ पती, छकः  
न्ह्याना च्वंगु घडी मिखा जुनाच्वन । दिक्कचायाः खाताय् ग्वाराक्क  
ग्वारातुल । “आय्या ... ..” धइकथं वाथाक्क दन । थःगु जँ  
तःलय् लामाच्वंगु आलबम लिकात । हानं ग्वारातुल । तीजक आल-  
बम पुइकल । वहे नांश्वागी ख्वाः वःम्ह । रोसनिं ऊयार फुर यानां  
आलबमय् च्वंगु नां खुनाछ्वत । आलबमय् च्वंगु नां खाताक्वय्  
चात्तुवाःवन । रोसनियात कुचा कुचा दंगु भवतं हिस्याना हल । छकः



हीमीचाल । रोशनिया मिखा आलबमय् जूवन । छुं बिचाः याय् थे  
पक्कचवन । त्वलय् जुल । धलिं ग्वः पुलुपुलु स्वत ।

“श्वइनाप जि सम्बन्ध छासुके माःगु । जि हानं हिबाय् चबाय्  
याय्थे छाय् सःता च्वंगु ? मासां स्वासां बिचाखी छाय् अप्पां कय्का  
च्वंगु ? जिगु बिचाः नं छू छुका ... .. । हानं मसःतां छुयाय् ?  
वइगु चिप जि । हुत्तुहुयाः नय् धुंकूगु चिपलप्ते जि । हुत्तुहुया  
वांछोइतःगु धौ भ्यगः जि । जिगु हे मुखताला खःनि । जिहे निर्वुद्धि ।  
जोबनया यांथां मस्यूम्ह जि । वं उखेंथुखें चाःहिके यंकेवं वनीम्ह  
गन्याम्ह जि । जालय् कयंकीम्हेस्यांला मरी तयाः महेकीका ? तर अय्  
घाल धाय्वं जि जालय् कयं वनीम्ह गज्याःम्ह ।

प्याखं स्वः वनेगु धकाः सःतल । जि वइगु छेँ वना । क्वथाय्  
दुहांवना । थय्क्क स्वया ... .. क ... .. क ... .. वला च्या  
धकाः दाय्का च्वंगु जुयाचवन । ताङ्ग १२ ताः थात । वइगु व जिगु  
मिखा घडी जूवन । जिपिं निम्हं वाल्लजुल । वं जितः स्वयाः वास्यां-  
न्हिल । जि दिक्कजुल । थौ आसां द्यात । मेचय् पुतुं फेतुना । वं च्या  
बिल । जि त्वना । वं पुलुपुलु स्वइच्वंगु खनाः जितः मछालापुसे चवन ।  
व तीजक दन । जि लिक्क फेतुल । जिगु लहाः कस्सिक ज्वन । जितः  
उकुस मुकुस दन । वं जिगु लहागु कत्तिक ज्वंगु खनां जि अजूचाल ।  
छखेला ग्यासेवल । म्ह जिरिङ्ग वन । चति भुसुभुसु वल । खापा ध्याम्म  
तित । स्टोप भवारर च्यानाचवन । क ... .. क ... .. थव ... ..  
... छु ? जि अजूचाल ।



जिगु लहाःतय् वइगु लहाः नाइसे च्वंक च्वंवल । जितः छखें  
न्हिलेमास्तेवल । जि स्याः खुवाः याना । व वास्यां न्हिल । जिगु ख्वालं  
चःतिकन । आख्या ... उफ ... सय्ले त्वःति । क ... क ... क ... मखु  
आःला येहेमयल । उफ येहे मयल धयां । सय्... चःतिहे वय् धुंकल ।  
बिस्तारं याःसा धकाः । अथे तित्तुतियां जक जिइला । उफ येहे मयल ।  
आः ... आः ... । घाःहे जूथे च्वं । आसे . आसे । जि वइत ँगः  
लाय्बे वाथाक्क दनेत स्वया । तर जि असफल जुल । छु पहः ल्याः ... ।  
कासो घाःहे जूथे च्वं । लाजं ह्याउँसे च्वन । वं जिगु खँय् छुं च्यूताः  
मतः । सायद जि हालेगुहे वइत न्ह्याइपुसे च्वनला मस्यु । जितः जक  
पुलुपुलु स्वइच्चन । जितः तस्सक स्यात । सहयाना सहाय् थाकुल ।  
वइगु इच्छा धयां ज्यूला ? उफ ... आःला येहे मयल । करपिनि गुलि-  
स्याय्धुंकल । जि लहाः भचा कसय्याना । चिरिक्क सः वयक चुरि  
तज्यात । वइगु लहातय् जितः न्ह्याकेत स्वइच्चंगु चुरा त्वलय् जुल ।  
वइगु चुरा न्ह्याकेगु इच्छा पुमवन । जित छखें ग्यासे वल हानं व तंचा-  
इहा खःला ? जित छुयाय् छुयाय् जुल । जिगु लहाःतं पुलुपुलु हि पिहां  
वइच्चन । लहाः मना वःथे च्वन । वं छकः जितः तुलुक्क स्वत । मानो  
वइगु मिखा प्याःचाः मिखा थें ... । व हानं जिगु लहाः काचाक्क च्वन  
म ... म ... मयः सत्यमयः । बरू जिहे न्ह्याय् । गबले स्वइत चुरा-  
न्ह्याके नंसा धकाः । जिहे न्ह्याय् सय् ... । चुरा छप्पं जि लाकाकया ।  
व वाल्ल च्वन । जितः नयथें स्वइच्चन । जितः मछाला पुसे च्वन ।  
तीजक स्वइतर साला । ऊन मँछिथें च्वन । थःगु लहाःतय् न्ह्यानागु चुरा  
स्वइच्चना ।



वं जितः काचाक्क ज्वन । जि थारान्हल । जितः ग्यासेवल ।  
 जितः उकुस मुकुस दन । वं कतिक ज्वन । फन फन कतिक ज्वन ।  
 उफ... जि...जि । क्वथाय् दुहां वइच्चंगु निभाः जिमित त्वःताः तापाक्क  
 वने धुंकल । क्वथाय् चुरा टुका छ्याल बिछ्याल जुयाच्चन । च्याना-  
 च्वंगु स्टोप सचिक फुनां पवाक्क सित । वइगु इलय् बिलय्या देछां जि  
 चिप जुल । जि फुत । त्वनेफक्क त्वनां वान्होइ तःगु चुरोथ थुत्ता थें जि  
 भुलुंदन । तर... तर जि व सतिक वनेगु स्वया । तर व... जि नाप  
 तापापा वना । छेँयापिन्सं जितः यक्क खँ ल्हात । थुकलं बिल । जिगु  
 मिखाय् न्हिया न्हिथं ख्वबि बासं च्वंवय्गु यात । तर... तर छन्हु वइत  
 जि छेँय् नापलाः वना । व जि खनेवं मि जुल । अय्लाः फुगु सिसि च्यूता  
 मतः थें फुत्त वान्होइ हल । जि चात्तुवाः वन । वइत छकः त्वाल्यां स्वया  
 छुं धाय्गु साहस जिके मवल । वइगु ख्याः आसाकुमि पहलं छकः स्वया ।  
 जिगु मिखां मचाय्कहे ख्वबि सुललल बाः वल । जि व छेँनं लुकुलुकु  
 पिहांवया ।

छेँय् न्हि न्हिथं ब्वापि मित्याः जुयाः जितः कइच्चन । जि वाथा-  
 वाथा कनाच्चन । तर जि बिबस । जि मूर्ख । जि पवगिं । जि चिप ।  
 ऊफ... .. जि सकस्यां मयःगु सकतां सकतां जुल । जिगु मिसा बुद्धि  
 जितः ध्वंलात । जिगु जोबनं जि नाप धुँकासा म्हितल । न्हिया न्हिथं  
 वइच्चंगु समस्यां जितः मलः जुयाः कइच्चन । बुलुं जिगु समस्या छम्ह  
 नसंपाखें क्वःजित । व नर्स पापात्मा खः । करकिगु वइगु जिन्दागि  
 लित छ्वइम्ह व अपराधि खः । धिबायालागि थःगु स्वार्थया बलिदान  
 याइम्ह । तर ... .. तर जिगु लागि लय् ? ऊफ स्वइत छु धाय् ?



जिगु इहिपा: जुल । जिगु छेय् वाछाइबाजं श्वल जि भम्चा जुल ।  
जिगु इहिपा:या श्वय् जुल । अयसां जि ग्या: । तर ... तर वइत जि  
छाय् स:तेमाल ? जिहे निर्बुद्धि । जि मूर्ख । श्व .श्व खँ गय्यानां सी  
वय्कलं ? व धइयूसा ? धाय् धाइ ? रोसनि जिम्ह, छन्त बियाह:गु  
धाय् फइत्ता ? गबले फइमखु ... । हानं जिमिगु किपा । जिगु  
पौ । हानं वं जित नापालानां लव: काय्गु खँ ल्हासा ? मखु ... मखु  
श्व गबले जुइफइमखु । थथे छांक्वय् चवना: न्या बच्छिकाय्गु स्व:सा ?  
स्वय्का ... उगु इलय् जि याय्गु स्यूका ... स्वाय्से ।  
स्वय् गय्जुइ ?

रोसनि आलवम ऊवारर खुत । वाथाक्क दन । दराज  
ध्वाराक्क चाय्कल । माहाद्य:या किपा कइखतं काच्याकुचु यानाछ्वत ।  
कतांमरि कइखतं कुचाकुचा जुइक चानाछ्वत । रोसनिया मनं मनं खँ  
वाय्कल ।

“सायद जिमिगु जीवनया इतिहास धका लुमंकेबीत स्वता  
स्वतामछि क्वस: त:गुजुइ । श्व खँ वय्कलं स्यूसा ? जि श्व छेय् ...  
... ऊफ ...” ।

रोसनि फुक्क धाराधुरु यात । ऊयालं फुत्त वान्छोत ।

खापा धाराधारा या:गु सलं रोसनि थारान्हल । च:ति छक:  
हुल । ध्वाराक्क चाय्कल । अय्लाखं धे धे चूम्ह थ: भात: खना: रोसनि  
थारान्हल । रोसनि थ: भा:तया ख्वा: स्वस्वं बिचा: यात ।

“थौ अय्ला: छाय् त्वनाव:गु जुइ ? अय्ला:या बासतक्कं



मयःम्ह थौ । थौ ... .. ।" रोसनि थः भाःतया खवा स्वस्सं ग्यासं  
वयकल । तीजक त्हाः ज्वनां खाताय् ग्वारातुइकल । मिखा ह्याउंसे ।

"जि ... .. जि व मस्यायात मस्यासं त्वःतेमखु । व ज्यानमारा ।  
व बगलोमारा । व खु । जि ... .. जि ... .. । व्वक्सि वःम्हथें वयकलं  
बकय् सानाहल । ह्यायं ह्यायं खवल । जितः अजूचाल । अय्ला त्वनीपि  
नं बिभिन्न प्रकारपि दु । गुम्ह खवईपि । गुम्हं म्हुतुलाइपि । छू ... छु ।

जिगु मन भाराभारा मिन । मांपिन्सं ताइभनं ग्यात । रोसनि  
आः बालकं थुल । माजीया जालय् वयंम्ह थः भाःत खनाः अजूचाल ।  
थौ जि भाःतया दांप्वः ज्वनां हानं बिस्यूवन । थ्व खुतय् ज्याहे छु धकाः ।  
थुखें लुतय्यात । उखें लुतय्यात थुखेवल । धाइ मनूया जीवन हे  
संधर्षमय् । तर जितः नं लुतय् यातनि । वयकः यात दांप्वः लुतय् यात ।  
तर जिगु हेकाः हेकाः इज्जत लुतय् यात । अजीव मनूया जीवन ।"

रोसनि ग्याग्यां तीजक लाकां त्वकल । माजुम्ह व किजाभत  
स्वाराक्क द्वाहांवल । रोसनि थाथाक्क दन । नुगः छः भारा भारा  
मिकाच्चन । ह्यायं ह्यायं खवइच्चंम्ह थः काय् खनाः मांम्ह पक्कच्चन ।



---

भाजु परमान्दया कविता पुचः

**द्वन्त लुमंका**

थौहे न्यानाः स्वयाविसं

मू- ३१५०

---



## खने मरु मरु

[जिमिसं खनेमदय्क लिसः सुलाच्चंगु न्ह्यसः न्ह्यव्वयागु दु ।  
लिसः बियादिसँ-छिगु लिसः पाय्छि जू मजू सीकेत पत्रिका पुइकु पुइकु  
ऊसँ गनं लिसः सुलाच्चंगुदइ- छितः तय्जु याय्त — सं.]

१ छम्ह च्वलेचा धाय् दुगुथासं २० मीटर तापाकक च्वं च्वंगु दु ।  
वया गःपतय् १० मिटर ताःहाकःगु खिपः चिना तःगु दु । धयादिसँ  
थः सिबय् २० मि. तापाःगु व धाय् गुकथं च्वलेचां आरामसाथ  
नल जुइ ?

२. ३, ५, ८ लिटर न्ह्यंगु स्वंगः थल ज्वनाः छम्ह मनू मचिकं  
न्याः वन । संजोगं व खुन्हु पसलय् छगू हे दापू मदें च्वन । आः  
धयादिसँ पसलं व मनुखं गुकथं थःत माःगु छगू लिटर मचिकं  
ज्वनावल जुइ ।

३ छम्ह बुराया प्यम्ह कार्यापि दु । छन्हु जेठाम्हेसित प्यमुरी,  
दातिम्हेसित स्वमुरी, साहिलाम्हेसित निमुरी, व कान्छाम्हेसित छमुरी  
जाकि बजारय् मीके छोट । तःधिकःम्ह दाजुं गन गन छु छु भावं



मिल वहेथासय् उलिहे भावं मियाः नं बजारे लिहा वः बलय् प्येम्हेस्यां  
उलि उलिहे दां ज्वनां छेँ लिहावल । श्व गुकथं संभव जुल ?

४ निम्ह मनुखं धुनिबेसि सच्छिगः सच्छिगः अँया निगू बोरा कुबियाः  
येँय् मिइत बल । प्रत्येक बोराय् सच्छिगलं उपो मन्हचं । लँय् सच्छिथाय्  
चेकपोष्ट दु । प्रत्येक थासय् बोरां छगः छगः अँ मबीकं छोयाहइमखु ।  
आः धयादिसँ फुक्क चेकपोष्टय् छगः छगः अँ बियाःनं येँ थ्यंकाः वहे  
अँ नं गुकथं इमिसं लवः कालजुइ ?

५ गुलि खः उलि, उलिया उलि, उलिया बच्छि, बच्छिया बच्छि  
उकि १ तनकि सच्छि- धयादिसँ व गुलि ?

---

अ धुनिक मिसिनं दय्कूगु  
उच्चतम सवाः व पौष्टिकया निम्ति  
सनसाइन पाउरोटी व केक  
सदां

प्रयोग यानादिसँ ।

निर्माता- Suraj Bread  
Patan Dhoka  
Po. 21293

---



## छन्तेल व इमिगु भाय्

१: १: नेपा: अधिराज्यया यँता (North) पाखे उप्पो जातित धाइ थें मंगोलियन नश्ल व थिमाहा जातित हे उप्पो खनेदु । धवलागिरि अंचलय् नं छगू जाति दु व जाति ख: छन्तेल । छन्तेल जातियात छँतेल व छन्त्याल नं धाय्गु या: । छन्तेल जाति नं मंगोलियन नश्ल व इमिगु भाय् नं एकाक्षर खल:या नेपाल-हिमाली कचा: दुने ला:व: ।<sup>१</sup> थ्व जातिया मनूतय्सं थ: पुर्खात जीनखानी व:गु धंगु खँयात स्वीकार या: । जीनखानी म्याग्दी जिल्लाय् ला: ।

१: २: छन्तेलतय्गु त:धंगु वस्ति कुश्ने व गुर्जा गायगु नां काये बह: जू । थ्व निगू गां नं म्याग्दी जिल्लाय् तुं ला: । हानं ग्यास खर्क, चौराखानी, मलाङ, मल्का, पाखापानी, मलाभार, थार खानी गांत म्याग्दी जिल्लाय् छन्तेल जातियागु वसोवास याना

---

१. माली, इन्द्र : कीगु भाय् : कीगु खँव:-मां भाय् मूलुखा : १०९८  
ल्या: ४६



वैच्वंगु दु । वाग्लुङ्ग व गुल्मीयागु लागाया दत्युङ्ग नं छुं वस्ति  
 च्वनाच्च्वंगु दु । मुस्ताङ्ग जिल्लाया मंगल खानी नं खनेदु । थ्व  
 तोताः मेथाय् छन्तेलतय्गु वस्ति खनेमदु । उकिं छन्तेलतय्गु  
 मू व आदि थाय् धवलागिरि अंचलयागु म्याग्दी जिल्ला हे छः ।<sup>२</sup>

२: १: छन्तेल खँवःयागु व्युत्पन्न 'खनेल' खँवः नं जूगु खनेदु । छन्तेल  
 जाति खानी म्हुइत साप हे सः स्यूपिं खः । थथे म्हुइगु ज्याय्  
 थ्व जातियात सुनानं त्याके फइमखु । गुंइ छथाय् प्वाः खनाः  
 म्हुया दुहां वनकि न्यासः खुसः कु ति वनेगु थ्व जातया मनूतय्  
 निम्ति छगू साधारण खँ खः । थुकथं म्हुयाः गुँया प्वाथय् दुने  
 च्वंगु लुं, नँ व मेमेगु धातु लिक्का हयेगु हे थ्व जातियागु मू  
 व्यवसाय खः । हानं गुंइ दुने म्हुयाः लः हयाः सिचाइ यायेगु नं  
 थुमिगु छगू बांलाःगु शिप खः । छन्तेलतय्गु वसोवास खानी  
 दुथाय् जक खने दुगुलिं खानी नापं थुमिगु सम्बन्ध दुगु खनेदु ।

२: २: छन्तेलयागु नां ह्लापा छु, व आः अनुसन्धानया विषय तिनि ।  
 खानी म्हुइगु जाति जूगुलिं थ्व जातिया मनूतय् आरोपिय  
 परिवारया भाय् नवाइपिसं 'खनेल' धायेगु यात । लिपा खनेल  
 > खँतेल > चँतेल > छँतेल > छन्तेल वा छन्त्याल जू बल । 'ख'  
 आखः छत्थु 'छ' य् हिला वःगु मखु थथे हिला वनेत छुं ई काःगु  
 खनेदु । नासिकयूभूत (nasalised) रूपया स्वर वर्ण व

---

२. माली, इन्द्र : "छन्तेल एक परिचय" : आँखिऊयाल : भैरहवा :  
 वर्ष १: अंक २: २०३०



अनुनासिक (nasal) व्यञ्जन वर्णया दत्थुइ साहचर्यं विना हे  
उत्पन्न जुइगु भारोपिय भाषाय् भापालं दसुत दु ।

२: ३: छन्तेल < छनेल खँवःयागु अपन्न श धँगु च्वय्यागु दसु नं बांलाक  
व्यना ब्यूगु दु । हानं छन्तेल खँवःयागु मू खँवः थःगु खलःया  
खँवः मजुस्ये भारोपिय खलःयागु खँवः खः ।

३: १: थ्व जातिया मनूतय्सं थःत छगू स्वतन्त्र जाति कथं ल्याः तय्गु  
पाखे उप्पो येकाच्वंगु दु । वास्तवय् थ्व छगू जाति खः मखु  
धका क्वछिना छ्वय् थाकु । हानं छन्तेलत पल्टनय् भर्ना जुइत  
थःगु जात छन्तेल मच्चस्ये पुनः च्वयेगु याना वयाच्वंगु दु ।  
पुनः धका च्वय् वं तुं थ्व जातियात मगः जात धकाः धाय् नं  
थाकु । छायासा नेवाःतय्सं ल्लापां राणा इलय् पल्टनय् भर्ना  
जुइत थःत नेवाः जात मधासे नगरकोटी धकाः च्वकीगु याना  
वःगु खनेदु । थ्व ला पल्टनय् भर्ना जुइगु छगू चलाकी  
जक खः ।

३: २: भाषागत मिखां स्वयंबले गुरुङ भाषा नाप उप्पो सतिगु खने दु ।  
नापं थकाली व मगः भाय् नाप नं साम्यता खने दु । थथेतुं  
तामाङ भाय्नाप नं खने दु । भाषा कथं स्वयंबले तामाङ व  
छन्तेलयागु सम्बन्ध क्वातु तर नृतत्वशास्त्र कथं पूर्वक अनुसन्धान  
मजुतले क्वःछिना छ्वय् थाकुइ । छन्तेल जाति मगः जातिया  
छगू कचा खः । थ्व जातियात भारोपिय भाषा भाषीतय्गु  
प्रभावं याना व थः जाति नाप तापाक च्वन, काला-बिला  
मयास्ये च्वये माःगुलि लिपा थुमिगु भाषाय् भारोपिय भाय् नं



संक्रमण याता हल । गुकि याता: छगू न्हगु रूप काल थ्व हे रूप  
वर्तमान छन्तेल भाय् खः ।

४: १: छन्तेल जातियागु भाय्पागु ह्यापायागु रूप सार्वनामिक खः गुगु  
'सिन्कारो' "सिन्को" आदि खँभाय् नं वयं । तर आः वयाः थ्व  
भाय् असार्वनामिक रूप कयाः हिला वयाच्चंगु खनेदु । "ना  
घिरा मया लाम" थें ज्यागु खँभाय् यागु संयोजन थ्व खँयात  
अरु प्रमाणित याता न्यू । छन्तेलयात थथे हिला यंकिगु देन  
थकाली व गुरुङ भाय्पागु खने दु । आः वयाः मगः भाय्पागु  
भाषिका कथं थ्व भाय् लाना च्वंगु खने मदु

नेपाल भाषा छन्तेल भाषा मगर भाषा थकाली भाषा गुरुङ भाषा

मिखा	मी	मिक	मि	मी
ह्य	कान	चारीजाङ	आंग	कहो
ख्वबि	मिलिम	मिकडी	मिकी	मिगली
मि	मिइ	म्हें	मि	मिइ
खि	किली	बैन	की	क्ली
ह्याय्पं	ह्याः	मेनकेप	नंअ	ह्लपे
खिचा	नव्यू	चिउ	नकु	नाकु
खँ	ताम	कुरा	कं	ताम
लुखा	माराक	गालाम	आखा	आ
छ	घि	नाङ	ध्यहाङ	घि
ब	च	होसाइ	च	च



लँ	क्याम	लाम	व्हयाम	क्यां
हवाः	सुम	डेर	सुड	सुं
श्व	चु	इसे	चु	चुं
ह्लाः	या	हुट	यां	यो
महु	आरे	माले	आरे	आरे
चा	सा	का	स	स
सिमा	धुंग	वोट	धुं	धुं
हूगु	छार	नया	सम्प	छारा
पवाः	फो	मितुक	फो	फ

४: २: आ: खँभाय्या संयोजन स्वये

ने. भा. :— राम हाकुस्ये चवं		सीता हाकुस्ये चवं
छं. भा. :— राम काल्चे मु		सीता काल्ची मु
म. भा. :— राम कालो ले		सीता काली ले
थ. भा. :— राम ल्माड मु		सीता ल्याडस्या मु
गु. भा. :— राम डग्या मु		सीता डग्या मु

गुरुड भाषाय् माजा: व बाजा: पाना चवंगु खने महु । तर  
छन्तेन भाषाय् माजा: लय् 'ई' कार छ्यले जूगु खने दु । तर  
गुरुड भाषाय् मा जा: व बा जा: लय् पाना चवंगु खने महु ।  
थकाली भाषाय् माजा: लय् 'स्या' प्रत्यय हना चवंगु खने दु ।

४: ३: ने. भा. :— छन्त जि मतिना याना		जिगु छेँ छ वने ला
छं. भा. :— डा घिरा मया लाम		डय् घिमड घि ह्यामे
म. भा. :— डै नाडके जाक लाड		डाकु डौ इमाड नुडवनीस



थ. भा. :—	ड ध्याडरी मया लमु		डय् छिह्म्री छ्याड ह्याव
गु. भा. :—	ड किलाई मया लाम		ड छेरी कि ह्यामु
ने. भा. :—	व हाली		व हाली मखु
छं. भा. :—	च कराम		च आकरम
म. भा. :—	होस डाकले		होस माड आकले
थ. भा. :—	च कइते मु		च कइ आतेमु
गु. भा. :—	च कराइ दिम		च अकराइ दिम

५: १: खँय् भाय्यागु 'मा' प्रत्ययया लागि छन्तेल भाषाय् 'ड' छ्यले मागु खने दु । हानं छन्तेल भाषाय् नकारात्मक कथं 'आ' प्रत्यय वया च्वंगु खने दु ।

५: २: च्वय्यागु खँभाय् कथं छन्तेल भाय्यागु स्वापू गुरुङ भाय् व थकालि भाय्नाप उप्पो खने दु । अय्नं थ्व भाय्तय्गु थ्व भाषिका मखु । गुरुङ भाषा व थकाली भाषायागु स्वापू ववातु थें थ्व भाषातय्गु नाप छन्तेल भाषायागु स्वापू ववातु जूगु खने दु । थ्व ला एकाक्षरी खलःया भाय्तय्गु दत्थुइ दइगु छगू चि खः ।

५: ३: छन्तेल व सगः भाषायागु समानता छता खँय् खने दु व खः भारोपिय भाषातय्गु कच्चि प्रभाव । छन्तेल भाषायागु "धाराव" खँवःयागु व्युत्पन्न माला वनेबले भारोपिय भाषायागु 'धारा' जुया वइ गगु खँवः संस्कृत भाषां नेपाली भाषाय् व नेपाली भाषां छन्तेल भाषाय् दकले यूने व्यञ्जनागम जुया च्वंगु खने दु । अथेतु छन्तेल भाषायागु 'ढोलवा' यागु मू रूप 'ढोग्नु' खः ।



हानं छन्तेल भाषायागु उडिम > उड्नु व लेखिम > लेखु पाखे  
 वःगु खने दु । छन्तेल भाषायागु जोडिस्यो, मन्थी नं अर्थेनु  
 द्वाहां वया चवंगु खने दु । छन्तेल भाषाय् थुकथं प्रभाव लाः  
 वःगु थां सू कारण विभाषीतय्गु नाप उप्पो स्वापू दयाः छः ।  
 भारोपिय परिवारयागु श्वेत लाना चवंगु प्रभावयात विचाः  
 यायेबल्य् फिदै लिपा श्वंगु रूप, ध्वनि व अर्थतत्त्वय् भारोपिय  
 खलः थै खने दः वंगु छुं शका मदु । हानं छन्तेलतय्गु थः गन्य  
 प्रति मतिना ह्यो जूगु व विभाषा प्रति उप्पो धेचुला चवंगुलिं थ्व  
 भाय् न्हना मवनि नं धाये मफु ।

५

श्री ५ महाराजाधिराज

वीरेन्द्र वीर विक्रम शाह देव

सरकारया

३४ दँ बुदिया लसताय्

वसपोलया ताःआयुया

कामना याना ।

होटेल क्रिस्टल, काठमाडौं याक ट्राभल्स एण्ड टूर्स, काठमाडौं  
 न्यू होटेल क्रिस्टल, पोखरा क्रिस्टल उलनइण्डष्ट्रिज, काठमाडौं  
 होटेल सिद्धार्थ, काठमाडौं भीमरत्न हर्षरत्न, काठमाडौं



—लक्ष्मीप्रसाद खाद्यमि

## छगू क्रान्ति

छगू क्रान्ति

जुयाच्चंगु दु ।

हाकुगु तपुलि पुनाः

दसि मदुगु ख्याचो बीपिं

ख्युंगु दबू कुनय सुलाः

म्बचु बीपिं - दे थुवाःत खनाः

इमिगु हाकुगु ख्याःपाः उलाः

लिच्चः पिकायूत

थन- क्रान्ति जुयाच्चंगु दु ।

५

—अशोकमान सुछाधर

## भ्रान्ति

करर हाःगु करना तोताः

छरर हाःगु फोहरा माः जुयाः

गन दइ थन सान्ति

बला भ्रान्ति खः भ्रान्ति ।

५

- २५ -



—एन. वि.

## छपु मुक्तक

निभाः बीवं

आकासं

धःगु धुकू चाय्की

— इल्ल नगूत खने दइ ।

धःगु चःति

आकासं

मोज याःगु खनाः

— पृथ्वी ही चाया वइ ।

—योगेसबहादुर श्रेष्ठ

## न्हयलं चायेकी

स्याः नुगःया घाः

थमं बाहेक

सुनानं इनाकाः वइ मखुगु थुइकाः

न्हयलं चायेके माःगु दु-

मां भाय्या बिकास

म्हीसंहे चाये माःगु दु ।



## सिखार

धकि उलावलिसे खने दइ नामं जकगु ववथा । लिउने अंगलय्  
घःतय् इल्ल किपा । दबूया खवकुनय् धेंय्-कुसि न्याकाः फाताफाता  
पुलाचवंम्ह-जगतमान । जव कुनय् 'घुरंर घुरंर' न्ह्योसःया धूनय्  
घत्तावाना चवंम्ह-भगतमान ।

भगतमान- घुरंर ... घुरंर ... सुस्स् ... घुरंर सुस्स् ... ..

जगतमान- (फात्ताक्कपुली) आया बा... .. यो बायो ! ... हानं  
न्यात ..... । हानं न्यात धया ? क क क S S आया ... ।  
थ्वइत थ्वइत थ्वइतला थ्वइत का कुसि ! (पतिचाय्  
गिलिगिलि पायां) यो बाः ... कुसि छम्ह स्याये न्हां ?

भगत- (न्ह्योसुलय्) उऊँ ... स्याः स्याः पंचमाः पाप घुरंर  
घुरंर ।

जगत- (अबुयात छकः पतिचाय् छकः स्वयाःलि) कासा कुसि  
महाराज जि छुं मसिउ ... छपिन्त स्यानाः पंचमाः पाप फये  
म्हाः बा । (छनी न्ह्यो चचबुक न्याइ) आया हानं न्यातका



छु आः ... । न्यात धया ! का स्वः का पवं पवं हे मात ।  
आया ... जिमाया कायसा जि थ्वइत थ्वइत । ग्व मेशिन  
ग्व ? मांचवसा मस्याये (लासा तःलं पचुका लिकाइ, लंचा  
थकाइ, बन्दुक थें जवनाः न्ह्यज्याइ) वा सु भेरे जुइ ?  
आइज त सामु !

भगत- अय् सुस्स् ... अहिंसा परमोधर्म ... राम राम राम ...  
घुर्रर सुस्स् घुर्रर सुस्स् ।

जगत- थन म्हछ्म्हं नीलदाम छं खालि राम राम मखु स्याना हे  
बियेगु (तुती छ्वाकी 'छ्वाय्क्क') (न्ह्यासय् पति जुइ फू फू  
यानाः ख्याइ न्ह्यासं देखचिलि मखु) (न्ह्यासय् छ्वाकी,  
मिखाय् लाइ) आपु s s पुत बा बा सित बा बा यो वा  
यो बायो ।

भगत- (बाकाःततं बुलुहुँ दनालि) शान्ति ! ... शान्ति !! ...  
शान्ति !!! छुकिया भ्रान्ति ?

जगत- भ्रान्ति मखु बा क्रान्ति ।

भगत- क्रान्ति ! जिगु छेय् क्रान्ति !!! राम राम राम बुद्ध बूगु  
हिन्दू देशय् क्रान्ति ! व नं भगतमान छेय् !!

जगत- आया न्यात धया छु थ्व धय् लाकि कुसि सुल्लल्ल ...

भगत- धुं न्याःगु मखु भालु न्याःगु मखु । जाबा धय् छम्ह कुसि  
छम्हसिनं न्याःबलय् थथे त्वाः थ्वक्क हाले माःगुला हं ! वनं  
ककिया छेय् दाःवि धय्-कुसितसे न्यागुसां थथे हालेगु नं



ठीक धायेका । आः थःगु छैय् वनं थःहे छना च्वनागु  
क्वथाय् दाःपि धँय-कुसि न्यातं थय् त्वाःथ्वक्क 'आया' आया  
धकाः हालेत मछा मजूला धँगुका? !

जगत- न्याःगु मखंलाते जिम्त ! ग्वःक ग्वःकः । तुती न्यात सह-  
याना, खम्पाय् न्यात, प्वाथय् न्यात, छाती न्यात अलय्  
छु यायेलय् ?

भगत- छुं नं याय्गु मखु । सुम्क राम श्याम धका धायेगु धँय्  
जूसां थःगु लँ लिना वनी, कुसि जूसां थःगु लँ लिना वनी ।  
अज्ज पति जूसाला तुइई S S म्ये न्यंका वनी म्ये ।

जगत- खः म्ये न्यंका वनी छकःजक 'तुइई' हाः बलय् ला न्हाय्पंया  
पिलि गुइथें च्वं । धसं न्याइबलय्ला मचाय्क हित्वनीगुका  
कुसि न्याइबलय्ला कात्तक न्याइगु धयां भचाहे मायायाइगु  
मखु धयां । कासो (पतिचाय् ज्वनाः) स्यातका थ्वइत ... ।  
यो बा थ्व कुसि छम्ह स्याये न्है धाले बा स्या धाले ?  
कास्वः का बिसिहे वन ।

भगत- वनी छाय् मवनी पापीया ल्हातय् सु च्वनी न धँय् च्वनी,  
न कुसि च्वनी !

जगत- आया आयाबा ... ।

भगत- अज्ज आया आया धकाः हालाला छ (ल्हाः लंम्हुयाः)

जगत- न्यात मखंला ले जिम्त ।

भगत- न्यायेवं आस्थे 'आया आया' धका हालां जीला ? 'राम'  
'श्याम' 'विष्णु' धकाः हाले मफुला छ !



‘राम श्याम, विष्णु विष्णु’ घका हाःसा न्याःगुनं चाइ मखु  
स्याःगु नं चाइ मखु ।

जगत- तसकंहे न्यातका दः भचा भचाजक न्याःबलय् ला वाक्कुछिनाः  
सह्याना नि जि । हीसे हीसे चवंक हे न्यात ।

भगत- न्याइ धया न्याइ धसँ कुसि मन्याःसा सुनां न्याइ ! छन्त  
जक न्याःगु ला मखु नि । जितः कं छन्त स्वयाः पचवर  
अठवर न्याः । अयसां जि छ थें महाला कि हाला ?

जगत- अलय् ! बायात न्याइबलय् छु यायेगुल्य् बा ?

भगत- छु यायेगु धयाला ? मिखा तिसियेगु राम श्याम श्याम राम  
घका हालेगु । कास्व जितः नं न्यात राम श्याम श्याम राम  
विष्णु विष्णु (ल्हाः सुर्वा दुने थ्यंक दुत व्छया) अहो ! छपि  
गुम्हपत्तिइ प्राणी थें प्रभु । अहऽ धंस महाराज ! धँय् पर्भु  
जि छुं मसिउ पर्भु । छःपि छःपिनिगु लँय् बिज्याहुने । कास्व  
अय् जाग्वारा सुलुलुलु लुलु (पतिचां सुयाः) वं लाकि मवं ...

जगत- ( वं धँय् छ्येनंक्वाना चवनी )

भगत- अलय् ... (सुलुपुया) सु S S S राम S श्याम S विष्णु S  
छपि हानं गुम्हपत्तिइ प्राणी थें पर्भु । प्रतक्ष्य जुया  
बिज्याहुने । अहो कुसि महाराज ! छल्पोल नं छल्पोलयागु  
हे लँय् बिज्याहुने । कास्व कास्व कास्व (तिक तिक न्ह्या)  
का का का वन मखुला पाकः ।

जगत- का हाकनं आ ... राम श्याम श्याम राम विष्णु विष्णु  
तारेमाम् करणामय जन्माद्यः चाकुबाद्यः ।



भगत- श्याबास पुता श्याबास (लप्टायी) (लिउने मुचुका तःगु  
खनी) अय् छंगु ल्हाती छु पुता

भगत- छु नं मखु बा, छु नं मखु ।

भगत- गय् छु नं मखु धंगु (लाकी) । राम राम राम राम का आः  
छुयायेगु काः । जिगु छेय् मिसिन ! ... गन !! हतियार !!!  
ज्यान कायेगु पतिइ । जि थन म्हय् दाःपिं सि छम्ह धकाः  
मस्याना, ससि छम्ह धकाः मस्याना । थ्व बतमास क्वथाय्  
दाःपिं धेय्-कुसि स्यायेगु मिसिन ज्वना च्वंगु ! राम राम  
राम हे भगवान् तारेमाम् छुं छुं हे मसिउ पभुं । सा  
स्याना हत्थ्या मसिउ पभुं । जितः क्षमा याना बिज्याहुं  
पभुं । जि काय्यात नं क्षमा याना बिज्याहुं पभुं । का का  
का तये यंकि । गन कया हयागु । तये यंकि । छु आताहां  
च्वना च्वनागु । मताःला छं । न्हि जि थ्वइत- स्याना बिइ  
ला कि छु !

जगत- कु...कु... कुने क्वथाय् च्वंम्हं बिउगु ... ।

भगत- व लान्ताचां बिउगुला ... । सःति वइत सःति (गतांचा  
ज्वना हुतन्वानका छ्वइ) काका जिगु छेय्या वया यत्थे ला ।  
धेय् दुसा जिगु छेय् दतका । कुसि दुसा जिगु छेय् दतका ।  
(लान्ता लिउ लिउ तयाः जगत दुचाइ) छं ला खूब अति  
बुद्धि बिलनि बाउ लान्तां । धेय् स्यायेगु कुसि स्यायेगु पति  
स्यायेगु ।

लान्तां- (वास्या वास्या न्हिलाः) मखुऽ गन जि अये स्यायेगु सिइगु



- अति बिइ धकाः कका । धँय्-कुसि मदइगु सकाः कका ।
- भगत- धँय् दतं छन्त छु पन लय् ? धँय् दत धकाः छन्त बाः बरे मयाना । कुसि दत धका छन्त बाः बरे मयाना ।
- लान्तां- कक कक कक जि गबल्य् बाः बरे यात धयालय् कका । घसंन्याइ हि पाःजुइ । कुसि न्याइ ला पाःजुइ । पति न्याइ न्ह्यः पाःजुइ धका सका कका ।
- भगत- बराः अति बिउ वइ । छिमि ब्वाया पासाःपि जि सिउला ! हि पाः जुइ ! ला पाः जुइ !! न्ह्यः पाः जुइ !!! हि पाः जूसा मभिगु पतिइ हि पाः जुइका । ला पाः जूसा प्याथःगु पतिइ ला पाः जुइका । न्ह्यः पाः जूसा संन्हाःगुपतिइ न्ह्यः पाःजुइका थुकिं न छंगु छुं पाः जुल । न जिगु छुं पाः जुल ।
- लान्तां- पाः जुल कका । यक्को हे पाः जुल । आ न्यात चासुवल घाः जुल । आ न्यात चासुवल घाः जुल । उखें घाः जुल थुखें घाः जुल ज्या पाः जुल ।
- भगत- स्व बाबु लान्तां ताःहाक खँ मसिउ जि । थथे मिसिन मासिन ज्वनाः जिगु छेँय् बालं च्वनी मखुका छ । कि मिसिन त्वःति कि ब्वथा त्वति । जितः लिबाय् धुंकल । पशुपति बने त्यल जि । (सरासर बनी )
- जगत- छु याये का लान्तां दाइ छितः बाः नं थन तइ मखुत ।
- लान्तां- तत्तले च्वने मतलाकि बने । स्वस्वखंकं थपाच्च धँय्-कुसि वायांवायां दाय्कानं सुम्क च्वनेगु ला ?
- भगत- छुयायेगु ले आः ?



लान्तां- सिखार यायेगु का सिखार (पचुकां छ्वाकी)

जगत- खः खः नु जुक्की मारो । छम्ह छम्ह दत्तले मारो । उछु  
उछु थ्व थ्व थ्व दांगराम्ह न्हाचः न्याम्ह हः खाइस् । अय्  
घनाकम्ह घनाकम्ह ।

लान्तां- ग्व ग्व गन ?

जगत- उका उका काका सुलुलुलुलु अंगल्य् अंगल्य् का छःयालिउने  
सू वन ।

लान्तां- तसवीर लिकाल्य् छकः ।

जगत- म्वाल छःया शरण्य् वंम्हसित त्वःता बिउ ।

लान्तां मजिउ छम्हसितनं त्वःते मजिउ । अंस दत्तले वंश दइ  
धयागु मसिउला छं ? मौकाय् पुसा हे न्ह्यंका छ्वधेमाः ।

जगत- छःया शरण्य् वन मखंला व !

लान्तां- छिन छिन कि न्याइपि मछिन मछिन कि शरण्य् ब्वाइपि ।  
थिस्त त्वःतेगु ला । बि लिका तस्वीर ... .. ।

जगत- कासा का जुजूगु जुइ । छ्वाकि मारो जुक्की जुक्की उखे  
उखे थुखे थुखे थ्व थ्व सिखार ।  
(जगतं वयवयं वनी, लान्तांचां छ्वाकु छ्वाकु वनी ।)

जगत- (वसतं पुना वइ) अय् अय् अय् मत्यः मत्यः मत्यः राम श्याम  
राम श्याम ।

लान्तां- परमधाम परमधाम (छ्वाकातुं वनी)



भगत- खँला न्यं आसे धया खँला न्यं आसे धया खँला न्यं (पचुका  
 लाकेत सनी) (पचुकां छ्वाकातुं च्वनी- इतिमिति कंक  
 ख्वालय् लाइ श्वय् श्वय् कनी भारावक ग्वतू वनी, पचुकां  
 वासः ह्वसातुं च्वनी) ❀  
 (श्व ल्यालः 'बाल बिनोद' कार्यक्रमस हितेधुंकूगु खः)

### खने मरु मरु - तय्जू

१. च्वलेचा च्वंगुथासं घाँय् २० मि. तापाःसां कीताना तःगु थासं १० मि. जक तापाः ।
२. ३ लिटर न्ह्यंगु थलं ५ लि. न्ह्यंगु थलय् निकः अथवा ८ लि. न्ह्यंगुलिइ स्वकः जाय्कल धाःसा ३ लि. थलय् ल्यं दुगु सचिकं १ लिटर बुइ। ६३
३. तसकं च्विकेगु थासय् वनाः ११ फाया छतकाया भावं व वंगु थासय् वनाः फछिया छतकाया भावं मिल । ६३
४. न्येगु चेकपोष्ट पुलेधुंका इमिसं थःके दुगु अँ छगु हे बोराय् प्वंकल ।
५. ३६ ।

तय्जूया मेगु ल्याः  
 भाजु गिरिजाप्रसादया  
 पूधाः प्याखं  
 बास्वा छे



श्री ५ त्रिभुवन जयन्ति

व

राष्ट्रिय प्रजातन्त्र दिवसया

ल

स

ता

य्

सकल देसवासि पित्त

भितुना ।

चितवन कोइ नेपाल (प्रा.) लि.

फोन- १५२२४

१३८१५

३४३ प्लुखा त्वा:

काठमाडौं - ८



## सीके माःगु खँ

Hale Observatony च्वंम्ह भाजु एस्ट्रोनमर चालं  
कोवालं हालहे सनिया Orbit य् छगू Object चाःहिला च्वंगु खंका  
हिल । थ्वया १०० माइल डाइमिटर दु । सूर्योयात न्ये दैय् छचाः  
चाःहिलोगु थ्व Object सूर्यो थासं ७९,०००,००,००० निसं  
१,७५,०००,००,०० माइल तापाः , थ्व Object सूर्यो थासं तापाइ  
बलय् अरुणया Orbit य् व सतिइबलय् सनिया Orbit लिक्  
लाः वः । अंग्रेजी थुकेया नां Chiron (बाम्ह मनू, बाम्ह सल) तःगु  
दु । Chiron घयागु सनि व अरुणया दथुइ लाःम्ह द्योया नां खः ।  
तर वैज्ञानिकतसें थुकेया नां Object Kowal तःगु दु ।- थ्वइत  
वैज्ञानिकतसें न्हूगु ग्रह धकाः अनुमान याःगु दु ।

४ नोभेम्बरय् लण्डनं छगू न्हूगु पत्रिका पिदन । गुकें मनूतय्  
दथ्वी हलचल पिब्वल । छाय्कि उके समाचार मदु, खालि जानकारी  
ब मनोरञ्जनया कोलम जक दु ।

मिलाया घटबढं ज्वारभाताय् नं घटबढ याइगु शक्ति दु । कीगु  
म्हया बनावटय् छगू मू तत्व लः नं खः । उके मिलाया घटबढं मनूया



त्वय्यागु दबाब्य नं घटबढ जू । थव खँयात हालहे अमेरिकाया वैज्ञा-  
निकतसे प्रमाणित याःगु दु । इमिगु धापूकथं पुन्हि खुनु मेबलय् सिवाय्  
त्वय्या दबाब, मानसिक तनावय् बृद्धि जू । इमिसं छगू प्रयोगय् दद म्हे  
मुट्या त्वय् दुपि मध्ये ६६ म्हे सित मेबलय् सिबय् पुन्हि खुनु त्वय्  
तत्त्वः जूगु खंकल ।

अमेरिकाया क्यालिफोर्निया विश्वविद्यालय्या अन्वेषकतय्  
धापूकथं निकोटिनं (घुस्रपानय् दइगु छगू तत्त्व) पुलांगु व न्हूगु मेमोरी  
(तुमन्ति) विपरीत प्रभाव लाकि ।

卐

---

राष्ट्रिय प्रजातन्त्र दिवस

फागुण ७ या

लसत्ताय्

सकल देशवासि पित्त

भितुना ।

टण्डन एण्ड कंपनी

बत्तिसपुतली, काठमाडौं

फोन १२६७२

---



## थः बौ नाप

(राजकुमार कुंभज हिन्दी नवलेखनया छगू न्हंगु हस्ताक्षर खः ।  
व्यक्त्या कविताय् भारतीय ल्यायम्ह पुचःया मनस्थिति भावना व  
दृष्टिकोण लू)

जिन्मेदारीया कु लः ल्हाये मत्यःनि  
आवंनिसें ।

जि न्या लायेगु तोतेगुला  
न- गाँलय् तयगुला  
थःगु छथों ।

फुसा

बलात्कार व हत्याया खबर

जि लिपा बबने । आः यात

लाप्चाया उन व थिपा (स्पर्स)

गुँपाखे छयेगु ममदु जितः

दुर्घटना तयगु अन्तहीन ख्याच्चल्य

म्हिलेमानि जि । थःगु मतिना न्हयथनाय्



जिम्मेदारीया कु लः ल्हाये मत्यःनि  
जितः चकलेतय् हे लिमलानि  
लोमंका ग्वर गथे फवने जि  
आकाम्कां गूगु गंजिया मुआब्जा !  
ध्व दक्वं माकःतय्गु इन्साफय्  
म्यालका बैसला दत  
झागु लः व च्यानाच्वंगु न्हयसलय्  
तःधं छुइत ।

नयागु तरवार संकेसिके न्हयो  
बौद्धि संकेव्यु हेकतंया तरवार  
छुं भचा लिपा  
धःगु जि-दगीया सच्छी दँ पू वंकेत्यंगु दु  
जिमि बाज्यां  
वं थाय्ला त्वतके व्यु  
अले ल्वायेमाःसा ल्वाये युध्द  
मासा जुया नं बिइ बुध्द ।  
खः हथासं थुलिमछि भारी कुबिके मत्ये  
न्हि न्हि जि खानाच्वने मायेक  
ग्वाय् व दाच्ही  
अले- सहरया म्हमस्यूपिं साहुतय्सं नं  
जिके न्यने मायेक कविताया उसायँ ।

( माय्हथूप- इन्न व बुद्ध )



---

श्री ५ त्रिभुवन जयन्ति

व

राष्ट्रिय प्रजातन्त्र दिवसया

ल

स

ता

य्

सकल नेपाःमि पिन्त दुनुगलं

त्रिभुना-देवाना

गोल्छा उलन प्रा. लि.

बालाजु, काठमाडौं

फोन- १५५८८

---



## पालापिलि



मिहगः म्हीग सिकें थों

पल्पसाया क्वथा गाकं यच्चु ।

स्वय् हे न्हुम्ह भौमचा दुहां

वडगु क्वथा थें । क्वथा स्व स्व

पल्पसायात न्हैपु ताल । यच्चु

लिसें ऊं यच्चुके मासे वल । हानं

अयाक्वय् च्वंगु तुफि कयाः

सतरऊजाया छःने छःने वंपुया

यंकल । धू हे पिहां मवः । अय्त्तं

वंत लुमधं । लुखाया न्ह्योनेसं च्वंगु चारपाते लिकाल । पिने यंकाः था

था यात । अत पञ्जलय् यखाल । हानं क्वथाय् तुं दुहां वल । लुखाया

अयाकुनय् मुंका तःगु धू श्वं छपातय् मुन । एवः चित । फुत्त पिने

शान्ठवत । चारपाते दुत हयाः न्हापाया थासय् लात । छकः चाकः छि

मिखा व्वल । धू व्वयाः दराजय् थाना च्वंगु खन । सुम्क च्वने मफुत ।



भ्वाथः छकू कथाः च्वत्यंक हुया छ्वत । लिवकसं च्वंगु न्हाय्कें न  
 हुत । यच्चुसे च्वन । क्वथा यच्चुसे च्वं लिसे लय् लय् ताल । अथे हे लय्  
 ताःम्ह पल्पसा, यच्चुगु खंसेलि गय् सुम्क च्वने फई । बलला बलला धैय्  
 छकः छकः पति ऊयाः पाखे ब्बां वनी । हानं दुपिइ । सुम्क च्वने फुगु  
 छ हे मखु । नुगः खुदुल खुदुल । सकलें वंगु आः मखुत । पल्पसा  
 न वने धका बिचाः याःगु खः । ब्वाजुम्हेस्यां 'म्वाल छ्ये' स्वैपि सुं मवु  
 धाःगुलि वं नवाय् मछाल । याकःचा वैंत तया काः वंपि ताउ जाये  
 धुंकल । लिथ्यंगु मखुति । सखे थ्यं हे मथ्यंनि जुई । गनं लिथ्यनी छ्ये ।  
 पल्पसायात ला आः हे लिथ्यंके माः थें जुइ धुंकल । ख्वाः स्वय् हथाय्  
 चाः थें । गय् थें, गय् थें । हथाय् नं गय् मचाइ । खुदें खुदें मछि  
 बायाः च्वने मासेलि, सुया जक नुगः तय् फई । अऊ बिहा यानाः  
 गुलिचां मवुनि बले निसें बाया च्वने माःम्ह पल्पसा !

तर थौं डाक्टर ब्वं वंम्ह पल्पसाया भाःत राजा लिथ्यनीगु ।  
 लय्ताः उकि पल्पसा । चं चं धाः । न्हाय्कैया न्ह्योने दं वन । वं  
 थःत बांमला मताल । नुगलय् खँ लुइकल- "हानं वं बांमला धाइला ?  
 गय् बांमला धाइ ?" पल्पसां थः थम्हं तुं त्याकल । बांमलाम्ह नं मखु  
 पल्पसा । बांलाः ! राजां तोता वं बले सिकें आः यक्व बांलाः पल्पसा ।  
 अऊ न्हापा सिकें यक्वों बुद्धि जाय् धुंकल । आखः सये धुंकल न्हापा  
 सिकें । राजां तोता वं बले म्याट्रिक जक पास जूम्ह पल्पसा, आः वयाः  
 बि. ए. पास याय् धुंकल । हानं व सेपि मिस्त स्वयाः छुके नं म्हो मजू ।  
 चलाक उत्तालं । ज्या सः उत्तालं । मसः धैगु छुं मवु । लँ सुइ साः  
 सुइटर थाये सः । अकें सकस्यां यः पल्पसायात ।



पल्पसा न्हाय्क न्ह्योने च्वंगु मेचय् पयात्त फेतुल । सँ पयेन ।  
 ककीचा काल । क्वायँ क्वायँ सँ छ्येन । अम्बः चिकं ल्हाती कयाः  
 सँ थान । हानं ककीचा कयाः सँ छ्येन । चत्त च्वंक सँ मिले यात ।  
 कं त्वइसे च्वम्ह पल्पसा । ल्यासेया ई । धात्थे सुं अप्सरा खःला थें ।  
 सायद राजां म्हसिइके तकं थाकुइ । कलाः खलाः धकाः क्वःछिइ तकं  
 थाकुइ । खुदँ न्ह्यः तोता वनाम्ह खःला मखुला जुइ । पल्पसां थःगु  
 समाः ज्या सिधयेके धुंकल । दन । टेबुलय् तया तःगु घडी मिखा ब्वल ।  
 प्यताः थाइन । चिट्ठी न्ह्यथना तःगु लुमंकल- चार बजे एयरपोर्टय्  
 लाय्ण्डोङ्ग धाःगु । तर फय्खःया सः वं मताःनि । क्वालय् वन । आकाश  
 पाखे मिखा ब्वाकल । फय्खःया सः तायेके मफु । सायद वं मतालला  
 मस्यु । बिचालय् दुवाला च्वम्ह पल्पसां गबलें छु मती तःसा गबलें छु  
 मती तया च्वन । वंगु मन स्थोर जुइ मफु । वयेवं थय् याय् अय् याय्  
 धंगु मती तल । मत्ती खँ लुया वया च्वंगु वं तुं मचाल । हानं खँत  
 फय्लिचा थें फन फन चाहिकल-

'वयेवं छकःला गय् महायेके । याय्गु स्यूका । हानं यानां नं  
 छुयाय् । नकतिनि वइम्ह, तँचाल धाःसा... ! गय् तँचाइ ? हानं उखुनु  
 चिट्ठिइ च्वया हःगु नं स्वरे । भचा हे मछाः मजू । धाय् जिल धकाः अपाय्-  
 च्वं धया हय्गुला ! अज्यागु चिट्ठि बाया ल्हाःती लाःसा !' खँ लुमं लुमं वं  
 म्ह छकः क्वाकल । हानं लीपागु पौ लुंकल- 'धया हःगु नं स्वरे ! छु  
 यः हं, धाःगु हया बी धकाः । अवलय् छुधाय् छुधाय् । धाय्गु नं छु ?  
 मत्तीला लुगु खः, छता निता खँत । थज्यागु हया ब्यु, बांलाःगु बुत्ता दुगु  
 धकाः । तर मत्ती दयाः नं छु' धया छ्वय् मफुत । केहेचापिसंला धया



वं छुबत थें घडी, क्यामेरा, छु छु । अफ्फ केहेचां चिट्ठि चवय् त्यंबले न्यंगु  
 नं खः 'पीत का छु धायेमाः धकाः । तर जिं म्बाल धकाः खें अर्थे छले  
 छुबया बिषा । धात्थेला जिं धाय्माःम्ह व मखु । थम्हेस्यां लयया हय् सः ।  
 बने त्यं बले जिं नुगलय् स्याकी धकाः जजिनया परसि जिं हे मसीक  
 न्याना हया बिल । गज्याःगु बांलाः । मिजं जुयाः नं मिसा वसः न्याय्  
 सः । परसि न्ह्योने तयाः न्हिलाः 'यःलाकि मयः' धकाः धाःबले जिंला  
 अर्थे ह्याः याःगु धका च्वनागु । लिवा तिनि बाःनं मसीक न्याना हयागु  
 धका कन । गज्याःगु मतिना दु वया । अथेला जिं वैत मय्कागु धंगु मखु  
 जिं नं वैत उलि हे यय्का । सखे वं जिं छुं च्वया मच्छयागुलिं तँचाल धकाः  
 च्वन जुइ । वया मत्ती खें थाय् मकाः जुइला? जुल ज्वी । छाय् च्वया  
 महल धर्थे । अय् नं छता निता वं जितः मज्जसें गथे वये छाइ । ज्वनाला  
 अवश्य वइ । छु ज्वना वइ, स्वय्ला दइ हे तिनि । वयेवं सुट्केश जिं हे  
 साला हयाः स्व नी स्वये । वं बिइ मखु धाःसा . . . लाकाःसां हय् । हानं  
 बाःया ल्हाःती लात धाःसा . . . ! गय् याना हिं धाय् ? धाय् छिनी मखु ।  
 मखुसा न्ह्यागुसां खें पित हया बाःयात फ्यातुल जुइ, जिं ज्वना बी'  
 धयाःसां ल्हाती लाके । अले गय् स्वय् मखनी । छता छता दतले बाला  
 स्वय् । केहेँचित घडी हःगु दःसा छरुसां हाय्केत मुचुका तये . . . . .'  
 बिचाः याना च्वंम्ह पल्पसा छकः मुमुहुँ न्हिल; मस्यु वया मत्ती छु खें लुल  
 थें । बलला धकाः ऊयालं ववस्वल । मवः । लिबाय् धुंकल । छः खिउँ  
 खिउँ नं धाय् धुंकल । चिकुलाया ई । छकलं हे छः खिउँसे च्वनीगु ।  
 वंत छुयाय् छुयाय् जुल । मवः लिसे धन्दा जुया वल । वंगु आः मखुत ।  
 आः तकं छाय् मवल लय् ? वंगु मत्ती अने तनेगु खें हानं चाकलि पां  
 पां म्हितल-



‘सखे मवलला . . . ! गय् मवइ धाय् ? चिट्ठिइ हे चवया तःगु’  
हः, मखु धैथें हानं वं दराजय् चवंगु चिट्ठी लिकाल । सर . . . र . . . र बवना  
यत । छः थोयागु हे तिथि । छाय् मवल लय् । आः ई तकं । हानं काः  
बिं तं लिथ्यंगु मखुनि । वंगु मत्ती मभिगु खं छकलं थाय्काल -

‘लंय् छुं जुलला ? जहाज जकं . . . । मखु मखु अथे जुइ हे  
मखु । छे, गज्यागु जक मत्ती वय् यः । वइ तिनि । थौं हे वइ । जिगु  
न्होने बयाः पल्पसा धकाः सःत वइ तिनि, थःगु मन थःम्हेस्यां त्याकल ।  
अयनं च्वं च्वं थे चवने मछुत । फेतुसा फेतुइ मं मन्त । दंसा वने मं मन्त ।  
वयाःसां मछि, व यासां मछि । वाथावाथा कन । कथु नं गय् गय् च्याप  
च्याप पेपुं थें चवना बल । हः हः पना बल । न्ह्योनेसं च्वंगु रेडिबाया  
होते तया तःगु राजाया किपा छकः तुक्क स्वल । वास्यां पल्पसायात  
स्वयाः न्हिला चवन । किपा स्वया च्वंम्ह पल्पसा भचा तक त्वालां स्वःम्ह  
स्वलं तुं । छुं ख्वालय् लुइका च्वंम्ह थें ! छगू तालं स्वया च्वंम्ह पल्पसा  
मोटरया सलं थारा न्हल । लय् लय् ताल । म्हं छम्हं क्वाःगु चःति थाय्-  
काल । मिखाय् जाया वःगु ख्वबि हतपतं चवत्यंक परसि हुल । मन  
मचन । अयनं न्हाय्कंया न्ह्योने वनाः छकः दन । समाः छपति हे  
मस्यनि । वं थःगु म्ह दक्को स्वया चवने मफुत । मोटर दिकूगु सः बय्  
वुंक्कल । ऊयालं क्वय स्वय् तकं मय्ल बया । कुहां वनाः नापलाः वने  
हयाय्वाःम्ह दुरुर कुहां वन । छपलाः धैथें व कुन्हय् थयन । कुन्हय् थयंगु  
वं मचाः । खापा चाय्कल । लुखां पिहां वन । तर पिहा बनेवं बया ख्वाः  
बिउसे चवना बल । भचा मुम्क अथें लुखाय् चवना चवन । वैंत अन चवने  
तकं मयल । छु जूगु थ्व धैथें बिचाःयात । अयनं मिखा छकः लें



बवल । मोटरय् वया भाःत वःगु मखु जुया चवन । लिक्कसं चवंम्हेस्या माल  
 हःगु खनी । व दिक्क चाल । हानं खापा लितिना थाहां तुं वल । म्हाइपुसे  
 चवना वल । मयः मयः तले थ्यन । छकःला व छवखु मखु धाल । छुयाय्  
 छुयाय् जुल । धर्म प्रति अन्धविश्वास याइम्ह पल्पसा सुम्क चवने मफुत ।  
 छःत तुमंका हल । छम्ह छम्ह छः तय्के छुं मजुइमा धकाः पवन । कलः  
 छवयेगु धकाः कलः पयात । फुंगा तःलय् तया तःगु चानचुन धिवा  
 अन्याना छखे तल । अय्नं मन सुम्क चवंगु ख हे मखु । व याःसां मछिन,  
 थ्व यासां मछिन । छः खिउँसे चवने धुंकल । खिउँ लिसे नुगः वाथावाथा  
 कन । थारा थारा न्हुल । पलाः छपला छिउ पति वैत कथं तिउ थें थिर  
 थिर मिना वल । वया छ्वाः चाय्क मचाय्क च्याना वःगु सिइदया वल ।  
 मचा सीम्ह मां थें चुलु चुलु वया म्ह । उखें थुखें । थुखें उखें ।

हानं मोटरया सः वंगु न्ह्याय्पनय् थ्वत । छेय् क्वय् दिक्कगु सः  
 वं ताल । स्वय्त वंम्ह पल्पसा छकः टक्क दित । खःला मखुला ?  
 न्हाचः थें जुइ धकाः व ग्यात । अय्नं नुगलं सुम्क चवनेगु बिचा  
 मयात । न्हापां ज्वालं नी छक स्वय् माली धकाः ज्वाः पाखे पलाः  
 न्ह्याकल । मिखा क्वय् ब्वाकल । खः राजा वःगु । वया भाःत वःगु ।  
 पल्पसाया यःम्ह वःगु । पल्पसाया पलाः थातय् मलात । म्ह छम्हं करेन्ट  
 ब्वां जुल । वंगु पलाः छकलं स्वाहाने पाखे ब्वात । पला छी मलानि  
 व कुन्हे थ्येने धुंकल । न्हाचःयागु बिचाः त्वःमने धुंकल । फसं  
 छवयेका यंके धुंकल । वैतला राजाया छ्वाः जक स्वय् हथाय् जुया चवंगु  
 दु । खुदें लिपाया छ्वाः गय् चवं ? गुलि पात ? ल्हन कि गँसि जुल ?  
 हाकुसे चवनकि त्वइसे चवना वल ? हाकुसेला चवनी हे मखु । अप्पो



यानाः तापालय् वना धःपि त्वइसे च्वना वःगु वं खं । उकें त्वइसे हे च्वना  
 बल जुइ धैगु वं बिचाःयात । पल्पसा छेली जक । मालसामान के हेमह व  
 बौम्हेस्यां लिकया च्वन । राजा दुहां मवःनि । पल्पसा माल लिकायेगु  
 पहः थें यानाः राजाया ख्वाः स्वय्गु तातुना लुखां पिहां बल । वं राजाया  
 ख्वाः खन, ड्राइभरयात धिबा बिया च्वंगु । न्हापा सिकें ल्हना बल  
 राजा । ल्हना जक वःगु मखु, अऊफ डाक्टरी नं पास याना वःगु ।  
 मिखा हे लिमकासे पल्पसां भातम्हेसित स्वया च्वन । प्याः चाःम्ह मनुखं  
 छसासलं लः त्वने थें । ड्राइभरयात धिबा बिइ सिधय्कल । प्यङ्ग मिखा  
 त्वात । गबाय्त तकला इमिसं मिखा फुति तकंमयाः । स्वपि स्वलं ।  
 मोटरया सलं निम्हेसिया मिखाया लाइन तोफित । मोटर यंकल ।  
 गुवाया छेले लिक च्वना च्वंम्ह तापालय् याम्ह मिसा नाप ख्वाः चू  
 नायेवं पल्पसा ऊस्के जुल । गय् थ्व धैथें वं बिचाःयात । राजां मिसाम्हे-  
 सित अंग्रेजि भासं नु धका ब्वहलय् ध्वानाः दुत हल । स्वया च्वंम्ह  
 पल्पसा गबाय्त तकला वाताहां । लिपा केहेभतम्हेस्यां 'नु पीत' धाः बले  
 नि वं चाल । वैंत इकुथें च्वना बल । न्हकु सँ ति ति स्वाना बल ।  
 कः तकं राजां वैंत नमतू । कमसेकम छु याना च्वना धकाः सः छसःसां  
 य् माःगु ख, उलि मछि लिपा नाप लाना । पल्पसां नुगः ववतुंकल ।  
 यः मयः वंगु पलाः केहेभतम्ह ल्यू ल्यू तले थाहां वन । वैंत तले वने तकं  
 से मवल । याग्ला प्याग्ला वन । मातनय् अबुम्हेस्या ववथाय् सकलें ।  
 म्ह न्यासिचाः पहलं ववथाय् दुहां वन । पल्पसायात दुहां वने माःसे  
 ल । वयात अन च्वंपिनाप ख्वाः चू लाके मं मन्त । छकः हवाय्  
 यि खवे माःसे बल । व अन च्वने हे मफुत । लुकु लुकु थाहां वन ।



भःशु स्वभाय् भवनं । लासाय् भवसू वन । हि हि लन । निजां  
मचाय्क धर ... र ... र बाः वल । फुज्जा बाच्या बाच्या प्यात ।  
गबले खव्य् धैगु मसःम्ह पल्पसाया थौ खव्य् गनं वल ? गनं जलिमदि  
खबि वल ? पल्पसाया मिखाय् भविष्य प्याखं लहुवल ।

‘जितः वं न्हापा थें आः गनं माया याइ ? जि वया मयःम्ह जुइ ।  
जिगु सलय् वं तें पिकाइ । तःधिम्ह सिकें चिधिम्ह अखः ययेकी । अऊ  
जिता यः त्यः जुयाः बिहा जूम्ह मखु । वया मां अबु पाखें याना  
बिउम्ह । मयः; बिहा याय् मत्यःनि धका भाजु हाला चवन धकाः लमि  
धाःगु खं वया न्हयपुइ तिप्पा नकल । अयसा मयः मयः धाय्क बिहा  
याना व्युगुला जितः ?

वं नुग थुं विकल । हानं मचाय्क खबि बाः वल । खबिया  
लिसें वया खवाल्य् न्हाचःयाम्ह मिसा वयू वल ।

‘हिसिचा दुम्ह खः मिसाला । निम्हं लवः । यः त्यः जूम्ह जुइ ।  
साय्द व्वं वले नं नापं हे ला । स्वदें प्यदें तक नापं हे चवना वय् धुं कल  
ज्वी । न्ह्याथाय् वंसां व नाप हे जुइ आःला । जित बुडि ताय्किइ ।  
व ल्यासे हे खनी । नकतिनि याम्ह । जितः माया यासां व मिसां छ्या  
छ्या याइ वेंत । ...

बिचाः याना च्वंम्ह पल्पसां छ्यो बुलुहुं ल्हना हल । स्वय् हे  
ग्यानापुसे च्वं वया ख्वाः । न्हाचः तले आपय्जि बांलाःगु ख्वाः । आःला  
भाःत सोम्ह मिसा थें वंगु सें छ्याल बिछ्याल । न्हाचः तले गुलि  
लय्ताया च्वंम्ह पल्पसा ... । वंगु मिखा वहे किपाय् जू वन । बास्या



न्हिला च्वंम्ह राजां जिला मेम्ह ह्य् धुन धैथें हिस्याना च्वंथें च्वन वेंत  
कुहे द्वार द्वार न्हिला च्वंगु सलं वेंत लाये लाये बुड थें च्वन । ला  
जक लासा थ्व याय् व याय् थें जुल । राजां खने न्हयः हे लास जुयाः  
च्वने माःसे वल । तर व गये सी । वेंत ग्याफर सकस्यां धाइ धैथें वं  
थुइकल ।

‘जि ग्याफर मखु । छम्ह मिसाया न्होने संधर्ष याय् मफुम्ह ।  
जि संधर्ष याय् । व नं मिसा खः, जि नं मिसा खः । जि संधर्ष याय् ।  
जिगु कर्मे अथे हे च्वया तःगुसा छुयाय् ।’ बल बलं खवयेगु दिकल ।  
‘... वं जितः छुं जुयाः मधाःसा ... । मखु जिला छुं मखुसां बि. ए.  
तक सां पास याना तयागु दु । छुं मखुसां जागीर नयेगु औकात दु ।  
मखुसा गनं स्कूलयां माण्टर जुयाः थःगु प्वाः थःम्हेंस्यां चू लाके फु ।’  
हानं वं राजाया व्यक्तित्व प्रति छकः बिचाः वाल-

‘मखु व अज्याम्ह मखु । न्हापाला वं धाःगु नं खः । ‘छम्ह  
मिजं नं छम्ह हे मिसायात जक पासा दय्केमा जीवनय् धकाः । जिम्ह  
ला छ जु हे जुल ।’ खँ न्यना पल्पसां ख्याः थें निइथें धयागु लुमंकल ।

‘बांलापि दतकि जितः त्वःमंकेगु कुतः याना दी’

लिसलय् राजां न्ह्याय् तियाः धागु -

‘हे लाती, जि अज्याम्ह ला’

थ्व फुक्क खँ पल्पसाया न्होने न्हिवःसा जुल । वेंत थय् याइ  
येगु म्हगसय् तकं खंगु खइमखु । तर राजा ! पल्पसाया बिचाः ... !  
बिचाः याना च्वंम्ह पल्पसा थारा न्हुइक स्वाराक्क धाय्क लहाःतय् प्वः  
छप्वः ज्वना राजा दुहां वल । पल्पसायात छकः नय्थें स्वल । पल्पसाया



खवा: खना: वं पल्पसा छाय् थय् जुल धंगु बिचा: तकं याये मफुत ।  
 गज्या: गु लय्ताये मा:म्ह पल्पसा । थुस्स ... ! त्व:ता वं बले थें । पल्पसा  
 राजायात स्वहे मस्वसे खाता पाखे स्वया च्वन । न्ह्याबले न्हिला खवा:  
 ज्याना च्वनीम्ह पल्पसां थ:त स्व तकं मस्वगु खना: तँ दुबिना च्वंगु धंगु  
 राजां चाल खुदँ खुदँ तक बाया च्वने मागुलि तँ वयंगु जुइ धंगु राजां बिचा:  
 यात । मजिल श्वेत न्ह्याथे यानासां न्हिइके माल धंगु बिचा: याना  
 राजा खाता पाखे वन । स्व: स्व: लिसे खवा: बे बे कोय्का हल । थ:त  
 मानय् या: वल धंगु पल्पसां चाल । दाये जिव्व दाये धुंका माफि पवनेगु  
 थें वं थुइकल । पल्पसां गय् याना: माफी बिइ । मिसा नुग: हे मखा ।  
 स्व स्व खंक न्ह्यच्याय् त्य:गु ब्व गय् कत:यात ल: ल्हाय्गु ? चिपं मथिसे  
 गय् बी फइ । लही फव्व लही धुंका कत:या न्ह्या:ति स्याके बीथें । गय्  
 नुग: तये फइ । छति फइ मखु । पल्पसां नं मवा: । छं गुलि हेके स:  
 धेंथें ताल । थ तकं मस्व: । आ: ला मजिल धेंथें पल्पसाया न्ह्योने वना ।  
 राजां ल्हा: ज्वना: सालाकाल । पल्पसायात गय् याय् गय् याय् जुल ।  
 अयनं नमवा: । तर राजां म्हुतुयात तालं ग्वया तये मफुत ।-

'मखु ... छाय थपाय्चवं ? नतुइ तकं म मदु लाकि ?'

'..... लिस: सुन्य ।

'..... धात्थें थाकु खनी मिस्तय्त माने याय् धंगु । का थुखेला  
 स्व । य:लाकि मय: ।' न्हिला: न्हिला: राजां धाल ।

राजाया प्रत्येक न्हिलाय् पल्पसां इष्या खना च्वन । छु स्यू राजां  
 च्व वक्व पल्पसाया । राजाला माया या: व:म्ह । मतिना या: व:म्ह ।  
 तर पल्पसा ? वंला कुनुकुनु तँ पिकया च्यंगु दु । जि जक ज्यूसा



म्यतालय् च्याराक्क मिक दाये मा:से व: वत ।

निगू निगू न्ह्यस:या लिस: मव्यूगु खना: राजां पल्पसा भथें तें  
चाया चवंह मखु धंगु भा:पिल । छक: बिचा: यात । राजां थुइकल तें  
चा:गुया रहस्य । अथें चवनां मजिल राजा । वंला न्ह्याथें यानासा  
पल्पसायात न्हिइके मागु दु । छु बिचा: वया: ख: मस्यु राजां नवाना  
हल -

‘ धाथें जिद्दिम्ह ख: खनी छला । न ला वा . . ! कि मय:सा  
मय: धा, जि थन छगू सेकेन्डनं चवने मखु । छंगु न्ह्योनें तापाना वने ।  
छाय् भ्व ऊंफुत . . . . . । ’ राजाया खँ पूवने मलानि पल्पसाया म्हुतुं  
छ्वाराक्क खँ पिज्वल -

‘ ऊंफुत . . . । थज्यागु सिइकं सिइक नरकय् वव्वाय् मा:से  
व: खनी छित: । ग्व: छिगु बचं ? ग्व व सत्य बाचा ? म्हुतु यचु नुग  
वंचु धंपि थज्यापि मखा । ऊसँ छि स्वया: । स्वैतं तालं ग्वयेगु अधि-  
कार जिके मदु । सिइ हे धुंका वास: छुयाय्त । अधिकार हे मदुम्हसिके  
वचं का: वयां छु बिइ फइ । जि छु बिइ फइ . . . । ’ थुलिइ अप्व:  
पल्पसां नवाये मफुत ।

राजायात आ: छु धाय्गु धथें जुल । मिस्त थ:गु अधिकार सुनानं  
लाका का: वइ धका: गुलि गया, व स्वैत बिइमासे मव: खनी धंगु वं  
थुल । आ:ला खवाय् छुइ माल धथें खँ पिकाल-

‘ हे लाती ! गज्यागु बिचा: छंगु । छं स्वय् न्ह्याच: हयाम्ह  
मिसा जि . . . . . । मखु पल्पसा वला जि केहेँ भा:पिना तयाम्ह . . । ’

‘ केहेँ . . . । ’ मचाय्क पल्पसाया म्हुतु पंम्हुल ।



‘खः । जि नापं ब्वम्ह पासाया केहे । गज्याःगु माया याः  
जितः । नेपालं बःम्ह धकाः गज्यागु माने याना नकी वं । ज्वरय् नं  
उत्तालं याये सः । कोर्स सिधयाः ग्वःन्हु तकला इमियाय् जि । वया  
दाजुं नेपाल धैगु तसकं बांलाः धाःगु खं न्यनाः जि नाप नेपाः चाहिले  
धकाः वःगु । अं . . हानं छ नं दु धकाः धया बले गज्यागु लय्तागु . . ।’  
राजा छक दित । हानं न्हिलाः नवात-

‘छ ला धात्थे लाती खनी पल्पसा । कुन्हय् छ ग्व धकाः हाला  
चवना, नु ।’ पल्पसायात थन ।

राजाया खँ न्यनाः पल्पसां सन्तोषया सासः ल्हात । मिखाय्  
दक वःगु खबि हुया छवत । राजाया खाः छकः तुक्कं स्वल । पलाःछीत  
स्वम्ह पल्पसां पलाः छी न्ह्यो छकः राजायात कस्सिक घय्पुल । राजां  
छुं हे थुइके मफुत । याः याः थे याका चवन । बल्ल पल्पसां पलाः  
न्ह्याकल कुन्हय् पाखे ।



---

देश विदेशया खबर  
थःगुहे क्वथाय् चवना ब्वनादिसँ  
**नेपाल भाषा पत्रिका**  
न्हिपौ

---



## नुगःया छकुनं स्वव्याना वःगु सः

बांलाः बांलाःया पुचलय् नं बांलाःम्ह छ !

क्वकाय्चिगु स्वयाः नं माकुगु छंगु सः ।

बिशाल ध्व क्यबय् ययेकागु स्वां छफवः छ !

भ्याःहे किचः मदु नुगलय् चिरफानाः क्यनाबी स्व !

जि छन्त ययेका चवने निभालं ल्वहं मक्वःतल्ये ;

जि छन्त पुञ्याना तये तःदहंया लः मसू तल्ये

बाया चवने माले फु भतीचिया लागि, छं छुं धन्धा काये म्वाः;

लिहाँ वये नि याकनं जि आम्कन, छ ससिवरां नं ग्यायेम्वाः ।

छंगुजिगु नुगः मतियाना खयलय् सुलाकासा म्हितेत,

खीकारोक्तिया छंगु ल्हाः फवने जिगु ल्हाःया दःनेस ।

---

लघु साहित्यया छगू नमूना

### आलमत

न्हूगु ल्याः ज्वनाः पिदन ।

---



## धिसिक्क धें

- अय्सा छि थौतक अय्लाया स्वादहे मस्यूनिका मखुला ?
- खःनि अय्लागुलु जूसा धका सिइ ।
- अय्सा छि थौतक अय्ला म्हुतुइहे तयामदीनि जुइका मखुला ?
- छकः निकःला तया ।
- अलय् गय् स्वाद मस्यूगुले ?
- बला अथेजुयाका त्वने धुनेवं जिके होसहे मदेंगु ।

मास्तर- का धाःसा रमेस ! 'अन्तर्राष्ट्रिय भाय् छु खः ?

रमेस- चाइनिज भाय्

दिनेस- (काचाक्क दना) मखु मखु सर, लाताभाय्

स्वदं निसें मुड्डा चलय् जुयाच्चन । पुलाम्ह हे साछियात न्याया-  
धिसं न्यन- छ गोदें दत ?

साछि- नीन्यादें (२५)

न्यायाधिस- (पलख बिचाःयाना) निदें न्हयोःन छं बयान ब्यू बलय्  
नीन्यादेंहे धागु श्व गथे ?

साछि- अदालतय् छकः बियागु बयान गथे हिले फइ हजुर ।



थमंहे चवयागु प्याखंया प्रदर्शन स्वयाः आस्कर वाइल्ड लिहां  
बइच्चन उबलय् पासामेस्यां न्यन- प्याखं गय्च्चं ?

प्याखंला तसकंहे सफल जू- वं लिसःबिल- तर दर्शन फेलजुल ।

कला (सहानुभूतिया इच्छायायां)- जिगु बिचारं वय्कः अफिसय् स्टेनो-  
लिसे ख्याःयाना चवन जुइ ।

स्वार्ति- थुके जि सहमत मदु । थव फुक्क छि जितः हीचाय्केत धया-  
चवंगु खः ।

फिल्मया छगू सीन तसकं ददंताक- हिरोनं हिरोइनया न्यतालय्  
ध्यारा च्यारा दाःगु ।

थुवले प्याखं स्वया च्वंम्ह छम्ह मचां हालाहल- मां छं थें व  
मिसानं बैत छाये मदाल ?

छम्ह यात्री- ए रिक्सा कालिमाति तक वनेत गुलि कायेगु हँ

रिक्सावाल- स्वतका हजुर,

यात्री- सामानया छुट्टै हे धेवा काय्गुकि कायेगु मखु

रिक्सावाल- कायेमखु हजुर

यात्री- अय्सा छं सामान ज्वनाः हुँ जि साइकलं वय् ।



पाहांया न्ह्योने बिमलं थः मचायात धाल- बाबु ! दाइयात  
बुनोट न्यंकिसा ।" मचा मानेमजू । पाहांनं यक्व कर यासैलि मचा  
न्यंकल- एक्का, दुवा, तिरकी, चौका, पंजा, छक्का ... ..



ग्राहक- समोसा थौ छाया चिग्वः ? मिहगःला तगवय्क दय्कूगु ।

बेटर- मिखाया खेल खः हजुर ! समोसाला मिहगःयागुहे खः प्लेट  
घाःसा तः धं खः थौं ।



---

**जः** त्रिचन्द्र क्याम्पसया दँ पौ

**कुलां** पाटन संयुक्त क्याम्पसया दँ पौ  
याकनं पिदने त्यंगुदु

थःगु चवसु व हापं बियाः ग्वहालि यानादिसं ।

---



## जिमिगु खँ

नेपाल- थो थो जाति व भाषाया संमिश्रण खः । अले थ्वहे थो थो जाति थुमि भाय् , संस्कृति कलां छायापाः थ्व नेपाः खः । थ्व हे नेपाः या धुकू खः । अले थ्व धुकू तसकं तः भिजू ।

थ्व हे खँयात थुइका नं देया थो थो भाय्प्रति सरकारया मिखा बांमलाः । अऊ स्पस्त धाय्- थ्वहे थो थो भाय्पा माध्ययमं हे थो देया कला, संस्कृति स्वानाच्चंगु सत्ययात सरकारं लोमंका च्वन । उकेँ 'एक भाषा' या नारा बिया दक्क देया मेमेगु भाय्प्रति अन्याः यानाच्चन । 'एक भाषा' या माध्ययमं शिक्षा बियाः देया दक्क कर्णधार मस्तय् न्हयपुयात खलबलय् याना च्वन । मेगु देशं फिदं सिधय् कूगु ज्या फिलां व्वचाय्केत न्ह्याःवनीपिं थ्व मस्तय् पलाःयात पयासुका च्वं च्वन । थुकेँ प्रस्त वयं देया मस्तेसें गुलिफत उलि याकनं शिक्षा काय्फय्मा धंगु खँय् सरकारया चितासु मदु ।

तर, तमाम जनताया थ्व खँय् चितासु दु । थःगु हे भासं याकनं सय्के सिइके दय्मा धंगु माग दु । उकेँ थो थो जाति तसें थः प्रति जुया च्वंगु अन्याःयात थुइका हया च्वंगु दु । लुमंके बहजू वंगु माघ १७ गते जानकी मन्दीरय् जूगु मैथली कवि कोकिल बिद्यापतिया स्मृति पर्व समारोह । उगु समारोहय् मैथली भाषा भासि विसं थः प्रति जुयाच्चंगु



अन्याःयात थुइकाः थःगु भाय्या विकास थमंहे याय्माःगु खँ थुइकल ।  
नापं शिक्षाया माध्यम स्थानिय भाषांहे जुइमाःगु व रेडियो नेपालं  
नियमित रूपं मैथली कार्यक्रमनं प्रसारण जुइमाःगु खँय् जोड बिल ।

थ्व तसकं लय्ताय्माःगु खँ खः । थुकथंहे मे मेगु उपेक्षित भाषा  
भासि पिसनं थः प्रति जुयाच्चंगु अन्याःप्रति याकनं हे वाचाय्के माःगु  
आवश्यक जू वः । नापं संघर्षया लय् न्हयज्याः वनेगु क्रमय् थी थी जुयाः  
मवंसे फुक्क उपेक्षित छपे जुयाः वनेमाःगु यात लोमंके मज्यू । छाय्कि  
थ्व हे छपु लं खः फिसं थःगु अधिकारयात याकनं काय्गु । अन्यथा ताः ई  
बिइगु खँ सत्य खः ।

मैथली कवि कोकिल बिद्यापतियात दुनुगलं निसे जिमिसं श्रद्धा-  
ञ्जलि देछाना ।



---

थःगुहे अलग्ग विशेषता ज्वनाः

पिदन

तिकभयाः

(रजिष्टर्ड)

---



फागुण ७, २०३५

श्री ५ त्रिभुवन जयन्ति

व

राष्ट्रिय प्रजातन्त्र दिवसया

ल

स

ता

य्

सकल यात्रुवर्ग व नेपाःमि प्रति

हार्दिक शुभकामना

शाही नेपाल वायुसेवा निगम



कान्तिपथ, काठमाडौं

फोन १८५११



“ TAYAJOO ” The occasional Literary  
Magazine in NEPAL BHASHA

न्ह्यागुं तरकारी व लाया नपाः साकेत  
नेपालय् दकलय् न्हापां भिगु बांलाक्क ल्ययातःगु  
ततःजिगु मसलात नाप छ्यानाः दय्का तःगु

छगू जक मसला

अन्नपूर्ण गरम मसला

अन्नपूर्ण ला मसला

अलय् च्यायात नस्वाक्क साकेत

अन्नपूर्ण चिया मसला

सदां छचला दिसँ ।

थाःकुथि चांमुन्द्रा प्रेस यटखा टोल । फोन १३६५२